

MENDI IBILALDIAREN ARAUTEGIA

1.- DATA ETA LEKUA

Herri Ametsa Talaia Mendi Ibilaldia **2024ko urtarrilaren 28an**, goizeko **09:30ean**, hasiko da. Abiapuntua eta helmuga Herri Ametsa Ikastolan izanen dira.

2.- IBILBIDEA

Herri Ametsa Ikastolatik hasita, Ulian zehar izango da eta **3,7km**-ko luzera izango du. Zenbait arduradunek parte hartzaileak ibilbidean zehar gidatuko dituzte. Hala ere, ibilbidea eta kilometroak behar bezala seinaleztatuta egongo dira, kartelen bidez.

Behin ibilaldia bukatuta, hornidura postu bat egongo da ikastolan edari eta janariarekin.

3.- IZEN-EMATEA

16 urtetik gorakoek eta haiek lagundutako adingabeek esku hartu dezakete, **doan**. Izena emateko epea **2023ko abenduaren 12an, eguerdiko 12:00etan**, hasiko da eta **2024ko urtarrilaren 28an bukatu**. Izen-ematea www.herrikrosa.eus webgunean egin behar da eta **275 parte hartzaile izango da gehieneko kopurura**.

Ezin da izen-eman gabe, edo beste pertsona baten identitatea ordeztuz, ibilaldian parte hartu. Norbaitek hori egingo balu eta zerbait gertatuko balitzaio, antolatzailearenak diren bitartekoek ezingo liokete arreta eskaini.

Bestalde, txakurrarekin ibilbidea egin nahi izanez gero hona hemen Donostiako udaletxeak ezarrita dituen arauak:

<https://www.donostia.eus/ataria/web/osasun-publikoa/animalien-ongizatea/non-aska-dezaket-txakurra>

NOLA EGIN IZEN-EMATEA?

Parte hartzaile guztiek www.herrikrosa.eus webgunean sartu behar dute eta, lehen aldia bada, hantxe erregistratu. Ondoren, mendi ibilaldian izen emateko aukera izango dute.

Nortasun Agiririk ez dutenek (hurrek, alegia) erregistroko txantiloia bete behar dute eta "identifikazio kodea" jartzen duen lekuan ondorengo jarri:

- aurrena, haurraren izenaren lehen letra,
- jarraian, lehen deitura osorik eta,
- azkenik, jaiotza-data (hasieran, urtea, lau zenbakiez; gero, hila eta eguna, bina zenbakiz).

Ez da tarterik utzi behar: hots, 2014ko maiatzaren 30ean jaiotako Jon Mikel Gartzia Lasa parte-hartzaileari **jgartzia20140530** jarriko zaio. **Aurreko edizioetan erregistroa egin zuten adin txikikoek ez dute kode berririk sortu behar: aurreko edizioetako kode bera sartzea nahikoa izango da.**

Erregistroko datu guztiak betetakoan, "**Ikastolako ikaslea edo haurra izanez gero**" deritzan gunean sartu eta aurretik adierazitako identifikazio kodea jarri ondoren, izena eman ahal izango dute. Parte hartzaile bakoitzak bere izen-deiturak parte-hartzaileen zerrendan ageri direla ziurtatu beharko du.

4.- OPARIAK ETA HAMAIKETAKOA

Parte hartzaile guztiak ekintzaren ondoren ospatuko den opari zozketan parte hartuko dute.

Eguneko ekintza guztiak amaitu ostean, hamaiketako polita eskainiko da.

5.- INGURUMENA

Uliako zati bat **Kontserbazio Bereziko Eremua** da. Mendi ibilaldia mendi inguru eta bideetatik igaroko da. Beraz, ezinbestekoa da natura-ingurunearen errespetuarekin eta zaintzarekin lotuta dauden arauak eta betebeharrak betetzea:

- Ingurumena errespetatu. Ez kaltetu baliabide natural, geologiko, kulturalak, animaliak eta landareak...
- Antolakuntzak ezarritako eta markatutako ibilbidea errespetatu, bertatik irten gabe (zeharbideak hartuz).
- Ez bota zaborrik (hondakinak, bilgarriak, janaria, materiala,...) antolakuntzak baimendutako lekuetan izan ezik.

- Beste parte-hartzaileen ingurumen-jokaera arduragabeak antolakuntzari jakinarazi.

6.- SEGURTASUNA

Boluntario eta Gurutze Gorrikoen laguntzaz, antolatzaileek mendi ibilaldia ondo ateratzea eta arazorik ez izatea bermatuko dute.

Antolakuntzak eskubide osoa izango du proba beste ibilbide batetik desbideratzeko, beharrezkotzat jo litzakeen aldaketak egiteko eta, eguraldiak edota beste eragileren batek hartaratuta balego, mendi ibilaldia bertan behera uzteko.

7.-ERANTZUKIZUNA

Herri Ametsa Talaia mendi ibilaldian izena emanda dauden parte-hartzaile guztiek proban borondatez eta euren ardurapean parte hartzen dute. Norberak bere gain hartu beharko du kirol jarduerak dakarren arriskua. Adingabeen kasuan, haurren izen-ematea egitean, gurasoek edo legezko tutoreek, haur parte-hartzailearen arduradun direnez, ziurtatuko dute haurrak ez duela mendi ibilaldian esku hartzeko eragozpenik eta, horrenbestez, esku hartzeko baimena ematen diotela.

Bestalde, antolakuntzak Ardura Zibileko eta Istripuko aseguruak izango ditu parte-hartzaileentzat. Hala ere, antolakuntza ez da inoiz, norberaren egoeragatik edo ekintzengatik sortutako ezbeharren, zuhurtziagabekeriaren, arduragabekeriaren, gaixotasunen, arazo fisikoen, arauak eta arautegia ez betetzearen edo proba egiten den lekura joan-etorrietan sortutako istripuen erantzule izango. Parte-hartzaileek, salbuetsi, uko egin eta libratu egiten dituzte erakunde antolatzailea, laguntzaileak, babesleak eta beste mendizaleak partaideekiko eta haien oinordeekiko izan ditzaketen erantzukizun zibileko arduetatik, eta onartzen dute antolakuntzaren, laguntzaileen, babesleen eta beste partaideen aurkako salaketarik ez dutela jarriko.

Halaber, parte-hartzaileek betekizun izanen dute istripuren bat izan duen edonor laguntzea eta antolakuntzaz arduratuko diren pertsoneri edozein ezbeharren berri ematea.

8.- IRUDI ESKUBIDEAK

Parte hartzaile bakoitzak ontzat ematen du antolatzaileek ateratako argazki edo bideoetan euren irudia libreki erabiltzeko eskubidea.

9.- DATUEN BABESA

Parte-hartzaileek euren datu pertsonalak kirol helburuetarako erabiltzeko baimena ematen dute.

10.- ARAUDIAREN ONARPENA

Lehiaketan parte hartze hutsak arauok onartzea dakar.

ARGIBIDEAK

☎: 943 393 520

emaila: kirolkomisioa@herriametsa.com